

# EMBASSY OF THE UNITED STATES OF AMERICA

## PUBLIC AFFAIRS SECTION

TEL: 880-2-883-7150-4

FAX: 880-2-9881677, 9885688

E-MAIL: [DhakaPA@state.gov](mailto:DhakaPA@state.gov)

WEBSITE: <http://dhaka.usembassy.gov>



## সংবাদ বিজ্ঞপ্তি

### দুর্নীতির বিরুদ্ধে লড়াইয়ে যুক্তরাষ্ট্র সরকার কর্তৃক মহিলা উদ্যোগাদের ক্ষমতায়ন

ঢাকা, ১৭ই ফেব্রুয়ারি -- যুক্তরাষ্ট্রের রাষ্ট্রদূত জেমস এফ. মরিয়ার্টি ও বাণিজ্যমন্ত্রী লেফটেন্যান্ট কর্ণেল (অবসরপ্রাপ্ত) মুহাম্মদ ফারুক খান আজ ঢাকায় “নারী উদ্যোগাদের জন্য দুর্নীতি বিরোধী সংস্কার প্রচেষ্টা” শীর্ষক এক জাতীয় সম্মেলনের উদ্বোধন করেন। যুক্তরাষ্ট্র আন্তর্জাতিক উন্নয়ন সংস্থা বা ইউএসএআইডি'র মাধ্যমে “শাসন ব্যবস্থার উন্নয়ন, জবাবদিহিতা, স্বচ্ছতা ও সততা কর্মসূচি” তথা “প্রগতি” নামে সুশাসন উদ্যোগের অংশ হিসেবে যুক্তরাষ্ট্র সরকার এই সম্মেলনের জন্য অর্থায়ন করে। আট মাসব্যাপী এক প্রশিক্ষণ ও অ্যাডভোকেসি কর্মসূচি শেষে এই সম্মেলন অনুষ্ঠিত হলো।

ইউএসএআইডি'র সহায়তায় “বাংলাদেশ উইমেন’স চেম্বার অব কমার্স এন্ড ইন্ডাস্ট্রি (বিডার্লুসিসিআই) এই কর্মসূচি বাস্তবায়ন করে।

এই প্রগতি উদ্যোগের আওতায় দুর্নীতি বিরোধী কর্মকাণ্ডের প্রসারের লক্ষ্য চট্টগ্রাম, সিলেট ও খুলনায় ৩০০জন নারী উদ্যোগাকে একত্রিত করা হয়। উদ্যোগারা তাদের পেশাগত জীবনে কিভাবে দুর্নীতির মুখোমুখি হন তা চিহ্নিত করেন। কর প্রক্রিয়া, ঝণ প্রাণির সুযোগ এবং ব্যবসা উন্নয়নে বিভিন্ন সেবাখাতকে সবচেয়ে বেশি দুর্নীতিগ্রস্ত ক্ষেত্র হিসেবে তারা চিহ্নিত করেন। কিভাবে বিদ্যমান আইন ও নীতিমালাসমূহ মহিলা উদ্যোগাদের সুরক্ষা দেয় এবং কোন্ কোন্ ক্ষেত্রে নতুন আইন ও নীতিমালা প্রয়োজন অংশগ্রহণকারীরা সেসব বিষয় বিশ্লেষণ করেন। প্রয়োজনীয় নীতিমালা পরিবর্তনকে এগিয়ে নিতে উদ্যোগারা তাদের নিজ নিজ জেলায় অ্যাডভোকেসি অনুষ্ঠানেরও আয়োজন করেন।

ইউএসএআইডি'র মাধ্যমে যুক্তরাষ্ট্র সরকার বাংলাদেশের মানুষ বিশেষত হত-দরিদ্রদের জীবনমান উন্নয়নে কাজ করে যাচ্ছে। ইউএসএআইডি বাংলাদেশে পাঁচটি বৃহত্তর ক্ষেত্রে কর্মসূচি পরিচালনা করে থাকে। এগুলো হচ্ছে স্বাস্থ্য ও প্রাক-প্রাথমিক শিক্ষার উন্নয়ন, গ্রামীণ দরিদ্র জনগোষ্ঠীর জন্য আয়ের সুযোগ সৃষ্টি, সুশাসনে সহায়তা, খাদ্য নিরাপত্তা বৃদ্ধি এবং দুর্যোগ প্রস্তুতি শক্তিশালীকরণ ও প্রাকৃতিক দুর্যোগ পরবর্তী জরুরি সহায়তা প্রদান। যুক্তরাষ্ট্র সরকার ১৯৭১ সাল থেকে বাংলাদেশকে এ পর্যন্ত মোট ৫০ কোটি ডলারেরও বেশি সহায়তা প্রদান করেছে। ২০১০ সালে যুক্তরাষ্ট্রের সহায়তার মোট পরিমাণ দাঁড়াবে প্রায় ১৭ কোটি ডলার।

=====

জিআর/ ২০১০

দ্রষ্টব্য: এই সংবাদ বিজ্ঞপ্তির ইংরেজি ভাষ্য ‘আমেরিকান সেন্টার’-এ পাওয়া যাবে। যদি আপনি ইংরেজি ভাষ্যটি পেতে আগ্রহী হন, তবে ‘আমেরিকান সেন্টার’-এর প্রেস সেকশনে (টেলিফোন: ৮৮০৭১৫০-৮, ফ্যাক্স: ৯৮৮৫৬৮৮; ই-মেইল: [DhakaPA@state.gov](mailto:DhakaPA@state.gov) এবং ওয়েবসাইট: [dhaka.usembassy.gov](http://dhaka.usembassy.gov) যোগাযোগ করুন।